

Հովիւների ընդհանուր կրթութիւն.

Церков. Вѣст.-(№ 9) ասում է, որ նոյն ինքն Հովիւների խոստովանութեամբ շատ քիչ է այն ընդհանուր կրթութիւնը, որ նրանք ստանում են սեմինարիաներում: Հոգեւոր դպրոցներում պէտք է զօրացնել ընդհանուր կրթութիւնը: Եւ իմաստութեամբ է վարւում Հոգեւոր վարչութիւնը աշխատելով ընդարձակել իւր դպրոցներում ոչ միայն աստուածաբանական այլ և հանրակրթական ծրագիրը:

ՌՈՒՍ ՀԵՐՉՈՒԱԾՆԵՐ

Հռովմի ձգտումն որսալ հնածէսներին.

Պարսուլաւ Հոգեւոր վարչութեանը մտահոգութիւն է պատճառում Հռովմի ձգտումն գրաւելու ռուս հնածէսներին: Հռովմը որսալով 2—3 հոգեւորական հնածէսներ, կարծում է, թէ առատ հունձ կունենայ: Սակայն ըստ ռուս լրագրների, Հռովմի որսած հնածէսները մեծարժէք գիւտ չեն: Դրանք անհաստատ համոզմունքի տէր մարդիկ են, պատրաստ հանգամանքին նայելով փոխելու իրանց համոզմունքը. և դրանցով դատել հնածէսներին՝ սխալ կը լինէր:

Խօսելով դէպի Հռովմ ձգտող հնածէսների գլխաւոր Հ. Վօլոշչուկի մասին Церк. Вѣст.-ը առնելով Рус. Слово-ից ասում է. կան երկու տեսակ կրօնի հետամուտներ, ոմանք իսկապէս անկեղծօրէն կրօնական բաւականութիւն են որոնում կրօնական նոր համայնքների մէջ, և յաճախ հոգեկան հանգիստ չգտնելով մի դաւանութեան մէջ, ուրիշ դաւանութեան են դիմում, որ իրանց հոգեկան հարցասիրութեան պատասխան գտնեն, կայ և մի ուրիշ ամբողջական տիպ, որին պատկանում է Հ. Վօլոշչուկը: Դրանք անապատում թափառողների նման են. որ ոչ թէ ճշմարտութիւն են որոնում, այլ արածելու տեղ, ուր աւելի յարմար պարզէին իրանց վրանները...

Կանցնի մի ամիս և մեր թափառականը թերևս Հռովմ հասնի. հնածէսների կողմից բանակցութիւններ վարի Հռովմի հետ. Կըլտուի, որ մի կողմում կարծես ցնծում են, նոր յաղթութիւն. միւս կողմում շփոթութիւն է, բայց՝ ճիշտն ասելով, վատ տեսակի մի տխմար խաղ է — զրպարտութիւն հնածէսների վերայ և Հռովմի մոլորութիւն:

Կարելի է վերաբերուել պրաւոսլաւութեան կամ հնածէսութեամբ հետ ինչպէս հաճոյէ. կարելի է, եթէ հաճոյ է Հռովմի հետ էլ միանալ, ցանկանալ այդ կամ մերժել. բայց մի բան անկասկած է. կրօնական կեանքը չի կարող կրօնական աստանդականութեամբ առաջնորդուել, և պ. Վօլօշչուկովների կողմից նրանց բոլոր յախուռն խաղերը կրօնական գործ չեն, այլ անյաջող կրօնական բազդախնդրութիւն:

Ռուս աղանդաւորներ Ղարսի նահանգում.

«Тифл. Лист»-ը № 58, առնելով «Обзоръ Карс. области за 1909 годъ» գրում է. «Այդ նահանգի ազգաբնակչութեան մասին հետաքրքիր տեղեկութիւններ.


«Կարսի նահանգում Պրաւոսլաւ ռուսները 4647 հոգի են: Աղանդաւոր ռուսներ 13,518 են երկու սեռի, որոնցից մեծ մասը—9,771 մոլոկաններ. 1895 թուին, արտագաղթից առաջ դուխոբօրների թիւը 3607 էր իսկ այժմ՝ 792, Այժմ բաւական նշանաւոր թիւ են կազմում պրիգունները, որոնց թիւն է 2,314. բացի սրանից, նահանգում կան 622 սուբօտնիկ և 919 եհովական:

«Обзоръ»-ը նկատում է ի միջի այլոց և այն հանգամանքը, որ կան ընտանիքներ, որոնց մէջ կարելի է մի քանի ազանդների հետեւողներ տեսնել. Բացի սրանից, պատահում է, որ ընտանեկան վէճերը կամ տարաձայնութիւնները ընտանիքի կամ հարեանների միջև պատճառ են դառնում կրօնական պառակտումների և ուրիշ աղանդի յարելու:

«Ռուս աղանդաւորների աղօթատները հասարակ տներ են և ամեն մօլական գիւղերում կան. իսկ դուխորները սեպհական աղօթատուն չունեն բնաւին, և աղօթելու համար հերթով իրար մօտ են խմբւում»:

«Պրիգունները» «Աւետեաց երկիրը» գտնելու յուսով նշանաւոր թուով գաղթեցին Ամերիկա. Կալիֆօրնիայի նահանգը, և իբրև հասարակ բանւորներ գործարաններում և նման հաստատութիւնների մէջ տեղաւորուեցին. սակայն այնտեղ ընդ միշտ մնալու ցանկութիւն չունեն, որովհետեւ «Աւետեաց երկիրը» չգտնելով, յաւիտեան էլ հասարակ բանւոր մնալու ցանկութիւն չունեն:

«Բացի ռուս աղանդաւորներից Կարսի նահանգում հայ աղանդաւորներ էլ կան, որոնք ապրում են Կարակալա գիւղում մօտ 78 տուն կամ 260 հոգի, երկու սիւսի նրանք պաշտօնապէս հայ բողոքականներ են կոչւում, բայց, ինչպէս հաստատում է «ՕնՅՈՒՆ»-ը, իսկապէս պատկանում են ռուս մօլոկանութեան զանազան հատուածն յիշ. նրանց մէջ կան պրիգուններ, սուբօտնիկներ ևլն. Մօլոկան վարդապետութիւնը նրանք ընդունել են երեւանեան նահանգի մօլոկաններից, ուր առաջ նրանք ապրում էին. Կարսի նահանգի միւս հայերի մէջ Կարակալացիները իրանց վարդապետութեանը հետևողներ չեն դնում»:



ՕՐԹՈՂՈՔՍ ԵԿԵՂԵՑԻՆ ԱՐՏԱՍԱՀՄԱՆՈՒՄ

Երուսաղէմի յոյն պատրիարքարանի նոր խառն ժողովը. Յայտնի է, որ Երուսաղէմի օրթոդոքս պատրիարքարանի մօտ կազմուել է նոր վարչական գործօն-խառն ժողով, որը պէտք է օգնի պատրիարքին և նրա սուրբ Սինօդին՝ Սիօնի եկեղեցու կառավարութեան գործում:

Երուսաղէմի խառն ժողովը արդէն սկսել է իւր գործունէութիւնը. ժողովի բաղկացութեան մէջ մտել են վեց հոգևոր անձինք Երուսաղէմի պատրիարք Դամիանոսի նա-